

頤道堂詩外集

隨道堂詩外集卷一

錢塘陳文述

追庵

古今體詩 擬古樂府

前擬古三十首和江文通

古別離

男兒事功名萬里長別離  
揮手不辭遠飲馬黃河涯  
三春塞草枯八月嚴霜淒  
鴻雁飛不到遊子悲無衣  
迢迢居庸關高高燕然山  
君行此中去落日邊城寒  
別君今日始盼君何時還  
女蘿與兔絲心在松柏間

李都尉陵從軍

日暮一樽酒風急征鴻飛  
故人此焉別而我胡不歸  
一日

有恩怨千秋無是非皓首各相對焉得不傷悲仰視天上  
雲南北隨風馳

班婕妤詠扇

團扇如明月長安巧工製深宮本無暑懷袖重君意西風  
吹庭樹春秋節序異弃置亦所宜況乃非弃置炎涼各有  
候恩情在篋笥

魏文帝丕遊宴

華屋夜景澄蘭坂秋露滋明星落羽蓋神飈颺翠旗西園  
明月來照見芙蓉池酌酒池上閣萋萋浮金炬嘉賓不易  
覩良會安可知當貴豈所懷功名會有期聊盡今夕歡覩  
而慰所思雁聲起天末願言遲晨曦

陳思王植贈友

俗尙不可知古義夙所安  
眷言二三子良材勵楨幹  
麗辭發春華逸氣馥秋蘭  
君王重英傑雲蓋奮羽翰  
令名蹈中和德聲無怨歡  
涼風發庭樹玉池生微瀾  
相思若朝日躋蹕緘明珥  
願言不相負比翼雙鴛鸞

劉文學楨感遇

鴻鵠凌風雲魚龍挾波濤  
人生無遇合伏處終衡茆  
君王重文采網羅及凡毛  
高臺命賦詩中禁趣簪毫  
西園明月夜照我遊以遨  
風抱夕葵志傾心秋陽高  
恩重報匪輕鬱鬱中心忉

王侍中粲懷德

兩京值多故避地客荊州豚犬悲諸郎俊傑消遠謀干戈  
方嶠函荆棘紛薊邱遠眺蒼梧雲近俯瀟湘流登樓正懷  
鄉慨焉生百愛賢主展雄抱傾襟邁前修識謬杞梓賞禮  
絕徐陳儔談雅參末座論兵借前籌河曲良晏會鄴城美  
遨遊金貂拜嘉命恩重媿無酬古義夙所安變渝心所尤  
誓將報明德令名垂千秋

嵇中散康言志

人生貴適意不染當世情潛心慕三古逸氣凌八紘胡乃  
牽塵網擾擾恆相嬰我躬抱元尚寂寞無所營靜乃卻俗  
好懶亦壽世榮澹泊謝天伐聊以全吾貞靈鳳匿丹穴豈  
羨歸昌鳴青蠅玷白璧樊棘空自盈俯仰天地寬憂樂隨

所丁寸誠靜羣論一讓息百爭知止戒老氏不才悟莊生  
哲士寶憂患至人守孩嬰

阮步兵籍詠懷

卉木被嚴霜焉得長芳菲落葉漸辭樹終傍孤根歸滄海  
不可填精衛空自飛不如禍之父珠玉韜光輝朝種東陵  
瓜暮採西山薇

張司空華離情

明月入蘭室流光照蛾眉苦調託瑤瑟曲終餘音微長簫  
秋水寒虛帷輕風遲庭樹空自綠春至無人知昔爲合歡  
花今爲枯樹枝抱此方寸枕萬里貽所思

潘黃門岳述哀

水去無迴波花落無還枝長簾冷空牀暗風颺輕帷蘭唐  
絕行蹟雲楣生網絲明月入虛牖髮鬢見容儀容儀渺何  
處白日黃泉路蘭心安可知蕙質恍疑寤清露溼庭草落  
葉悽檐樹寢興疑夢寐哀思託豪素昨出上東門風景淒  
平原白楊泣路隅夢草繁邱墳暮雨啼鴉鵲荒煙竄廢磨  
紆軫心脚躑極目悲招魂

陸平原機羈宦

涉世無順軌委懷無天機長風吹浮雲驅我將安之北渚  
此焉往南津空所思結念懷密親桑梓倏已睽平陸淮泗  
遵馳道梁陳期高岑積霭陰平楚頽陽微嘉命憶儲后出  
入承華時影纓懷舊儔仰見鴻雁飛廣川非故流羣士希

新知纒絲結胸臆懷土中心悲

左記室思詠史

莊周隱園吏屈原悲左徒賈生謫長沙董子遷江都長卿  
雜傭保方朔嘲侏儒文章啓憂患理定數不誣古來賢達  
人出處皆相符金張侈華貴許史紛麗都鳴鐘復列鼎長  
日多歡娛李廣死飛將衛青生人奴戰伐尙如此文字眞  
區區

張黃門協苦雨

石燕接翼飛商羊拳足舞天畢方應蹶號萍復司序宿霧  
滃南岑油雲蔽東戶空階密散絲承霄驟激弩白菌蒸杏  
梁綠苔上蘭桂樹溼禽棲檐水深魚入罟碎瓦傾斷垣危



橋沒遙浦金溝溢瀟瀟  
雕輪阻鄢杜青疇誰占甲白日不  
知午千家艱朝炊九衢斷行旅寒士臥窮巷蕭然守環堵  
三復雞鳴詩慨焉慕儔侶

劉太尉琨傷亂

皇輿悲板蕩華域踐洪流  
英蕊凋三春毒卉敷九州  
烽塵暗秦趙豺虎紛薊幽  
一龍空渡江五馬誰同仇  
西翼漸已戢東羽遑能迺  
齊繡賴仲父漢業資留侯  
古人不可作今人安能儔  
撫枕不成寢中夜生煩憂  
飲馬長城濠所哀非壯遊  
北望單于臺蒼莽黃雲浮  
元髮忽已改朱顏誰能留  
功名建何期白日催雙翰

盧中郎諶感交

寫宇非凡材隆棟無弱木大賢濟艱難多士叶雍肅膺寄  
同腹心結契合手足素志存綢繆丹忱矢貞樸乖離豈所  
期通勉聊自勗憂危覽河山慷慨遵川陸御敵懷趙奢守  
邊資李牧古烈誠可希異才出推轂愧無騰驤姿弭首鹽  
車伏謬承鄉曲譽聊竊木州祿恩豈契闊殊義爲周旋淑  
相期泯二三奮身挽百六

郭宏農璞遊仙

至人澗流俗寂寞參元機暫從老莊息復與彭佗期八景  
爲我興五銖爲我衣青鸞尋我前白鳳驂我騁玉泉蠲我  
煩石髓療我飢東海調木公蓬萊拜眞妃脫身遊八極塵  
鞅安可羈

孫廷尉綽離述

太素肇元化形兆判宇宙憐笑生夔魃混沌悟穀穀消息  
造化先胚胎天地後吹萬物自徧守一理在寄動靜成往  
來盈虛化新舊巢由得天薄罔紆入世厚羽翮乘扶搖達  
莊驗穀輟眞意葆彭鱗大言託禦寇寓物不留物豈爲世  
情替雁以能鳴全木以不材壽忘機師海鷗澹泊物自逝  
許眞君詢自序

彭殤齊壽天顏距異遭際朱門內機閤巖居外像蔽至人  
眇塵壒空質出眞諦識曠天白全理融神自契壽由資近  
尋白雲寄遙睇求榮非道心養生亦物翳長歌采紫芝聊  
以寫幽意丹臺與石室心豈此中繫修德濠上遊吾師莊

與惠

殷東陽仲文興歸

佳辰快清遊會心出良覲朝霞麗晨熹白雲蕩空色清流  
鑒澄潭眞素緇石壁密林含佳陰幽討隨所適境閒塵慮  
消心靜煩襟滌至樂非外求眞趣出空寂

謝僕射混遊覽

勞生夫如何令序貺佳勝總轡出郊坰薄遊聊適性餘霞  
屯遠巖褰草被仄徑瑩神潭水澄洗耳風泉聽勢險駭縣  
嶂境奧轉迴磴臺高落景戀林密晚煙孕乘除悟物理靜  
中聊自鏡

陶徵君潛田居

宿雨滋綠疇生機滿東皋春風從何來吹我田間苗阡陌  
縱復橫溝水鳴塘坳日暮荷鉏去炊煙起林梢仰視投林  
鴉一一歸其巢稚子不解事牽衣戲衡茆把酒對南山聊  
以償吾勞

謝臨川靈運遊山

江海夙所經名山受靈貺登陟乘晨嘉青翠非一狀石磴  
紅泉流澄潭金沙漾側徑轉崇岡巖峩峩峴上曲記羣流  
赴高館衆岑讓迴風響空林陰霞媚連嶂麋鹿晨躋荒猿  
狄暮聲愴竹嶺密易迷蘭薄馨相望清華暢塵襟幽蘊極  
意匠故蹊蹟已窮新術情所向陰厓矚海瀝端倪悟冥漲  
企石遲歸潮神契輕橈放瑩情聊攝生無悶寄陶曠

顏特進延之侍宴

紫微開重垣黃圖翼三輔周鼎位邾鄆漢時連邠杜寶殿  
切崇雲仙宮列元圃瑞芝舒南榮祥飈轉北戶金玉輝芝  
房日月煥蘭柱瑤輪鏘鑾和紫帙妙規矩麗日囑駢延卿  
雲鬱千呂夏翟徠三苗春種應九乳陰霞動江潯遠煙見  
淮浦海氣屬翠華迴潮振簫鼓仰鏡列纓笏步櫚溢珪組  
皇所興禮樂霄情愜鄒魯琴瑟韶同符球圖範攸敘方飾  
九如祝長篤萬年祐

謝法曹惠連贈別

積雲曖平津暮色黯前渡弭棹風雪中回望赤亭樹寒流  
澹無滋雲峯駭積素居人方處室行子在中路中路感雞

鳴前遊桑哲兄南樓遠鴻去北渚層陰生明信不殊軌雅  
唱有同聲幽蘭密芳契孤筠託別情別情心所戀懷思不  
能見飲餞憶垌林野館事佳讌長語聲悽悽遙悲心眷眷  
往者同室廬今茲異鄉縣鄉縣亦非遙澄瀛泛沆寥浮氛  
晦淒景飛流誦急颺艤舟面曲汜停艫待迴潮臨津未遑  
濟款睇心惰勞悵勞結懷思良覲知難期同心寄雜佩歧  
途愴素絲東瞻復西睇日暮欲安之明發更何所非復浙  
江涓

王徵君徵養疾

空翠杳無際日暮瀟湘深歸雁下北渚華月生東岑矚景  
披虛帷臨流滌塵襟看竹過鄰院散藥憩前林聊用慰微

疾豈爲慕投簪帝子不可期蘭芷空江渚水雲泛瑤瑟冷  
然流餘音

袁太尉淑從駕

嚴元重宮廟禋祀集郊壇皇情殷奉鬯睿眎肅鳴鑾吹同  
協秋節典禮屬春官迎闕輦路直除道蹕途寬瑤輪夾瑞  
鳳羽葆翼祥鸞八蕊璨瓊鉞重英鏘玉繁前驅仗千戚侍  
徒執躬桓芝蓋傷雲麗桂棹流波寒飛旌颺晴霧流吹震  
迴瀾效順靈祇衛占豐父老歡文明旣內治武功亦外安  
聖孝瞻光宅非同河洛看

謝光祿莊郊遊

佳辰遲出郭空水待揚舠山容亦靄靄水意正泔泔流景



異真色明輝非定形沙中涼葉亂煙際秋蘭馨雲斂天逾  
靜氣霽山自青網魚圓暈散鏡雁寒波停弭棹猶牽荇迴  
橈欲轉蘋明瑟意方曠清華境亦靈塵襟但解滌何必泛  
滄溟

鮑參軍昭戎行

結髮事明主孤懷矢忠誠本非慕爵祿亦豈圖功名涼秋  
八九月邊塞煙塵生突騎發關隴壯士出幽并桓桓車騎  
幕赫赫嫖姚營野雪暫暮宿河冰捷晨行走馬破堅陣按  
劍登高城但識恩義重焉顧性命輕功成報天子日逐繫  
長纓王侯方上壽臚歡萬里平

休上人怨別

涼風颺羅幙幙下風力微佳人不可見掩冉秋雲飛清露  
發瑤彩月華散明輝琴停餘音歇香盡輕煙微悵望楚天  
遠珊珊來何遲惆悵心振蕩既是疑復非與君相宛轉結  
念終依依

後擬古三十首和吳漢槎

謝吏部臈省直

明星低鵝鶩華月麗鳩鵲仙露潤金掌春煙暮紅藥離宮  
遙鳳吹周爐下魚鑰遞漏遞壺箭綺靜鈴索墜予淡泊  
人奉官畏薄弱爐香挹粉署封事達黃閣慚此鳴玉登思  
得投簪作初服踐素心春山臥雲壑

王寧朝融遊邸

遨遊陶嘉晨淡泊究元理曳裾金張門列輦田寶里朱門  
闕行馬珍木蔭漸雉藻繪麗金鋪蘭桂發瑤凡圓沼儵魚  
上柔條文禽起會食羅鼎彝列坐覽書史得性謝天伐悠  
哉味彌旨

江記室淹楚望

瀟湘澹無際空水自徘徊衡陽雁初過巫山雲不來斑竹  
美人怨蘭芷騷人哀蒼梧弔舜祠章華登楚臺荆門土明  
月故宮生綠苔簫鼓逝陳蹟羅綺紛塵埃唐宋渺難作望  
古空悠哉

梁簡文帝綱閣思

秋水蕩迴波秋雲寒薄羅空牀冷文簾圓規銷畫娥杏梁

畱燕少珠箔飛螢多搗衣愁逐杵織錦淚隨梭繁霜下玉  
樹寒燼辭金荷月生青海劒葉落榆關戈莫言妾夢短夜  
夜在交河

梁元帝釋述懷

笳鼓荆門震樓船鄂渚橫瀟湘堪飲馬巫峽正屯兵雍孤  
衛辰蓋燕犀出子城桃花小隊馬蘭葉中央旌壯士長榆  
塞將軍細柳營銅駝晉南渡朱鷺漢西京擊楫祖逖志磨  
扇顧榮情各厲澄清志終看日域平

沈特進約三日

令節正元巳芳期值上旬鶯花洛陽道車馬長安春珠袍  
柘枝彈繡幃茱萸輪采芳槐里市修褉蘭池濱投壺笑玉

女捧劍出金神流波漾卮羽歌吹動梁塵細雪桐花落圓  
錢萍葉新修楊連小苑芳樹入平津歡娛不辭晚遨遊貴  
及展緬茲萬壽獻重以百福臻年芳悵遲暮應復眷佳人  
范僕射雲貽友

朝出耘東田暮歸下南岡邨墟生夕煙平楚餘頽陽稚子  
牽衣言有客來東方綰組復影纓珠玳生輝光殷勤重致  
辭良久遲中堂審聽知是君寸心感傷程縞紵訂僑札難  
黍信范張石交一窮達古義今益彰附書南飛雁夢寐同  
翱翔

邱中郎遲宴別

魚鑰開九門鸞輿戒七萃風清轉翠華林長通羽騎帷宮

麗平野鳴笳叶流吹龍旗列玉仗虎竹頒金璫名藩介弟  
資重鎮淮甸寄國典隆展親皇呵重明試免茲報政期陳  
規中古義

柳吳興擬搗衣

月照蜘蛛屋星低蟋蟀堂殘香溫羅薦華燭明蘭房流雲  
韜絳河清露凝紅芳冰絃組寶瑟玉筍啼繁霜霜飛冷翠  
幃落落黃金微空房妾獨處遠行君未歸流黃五雜組織  
素九張機憐妾心有結念君寒無衣空庭夜岑寂蟲聲出  
東壁默默腸九迴斑斑淚雙滴尙記身短長不知體肥瘠  
搗衣復搗衣搗衣心惻惻惻惻復悽悽樓頭烏夜啼急節  
斷還續繁聲高復低織錦秦川女停鍼寶氏妻纔聞說蒹

北忽又夢遼西西北路迢遞極目關山寒尙恐貂裘薄敢  
念鴛衾單書託早鴻去信盼雙魚還秋雪龍沙夜憐君憶  
妾顏

庾度支肩吾侍宴

芳苑帷宮啓華林帳殿開珠旗柳外見玉輦花間來新豐  
鄰郭杜太液接蓬萊月駟竝鑣列風鳥平翅迴桐乳潤宿  
露草帶長春萋萬方賜酺宴羣工分襖杯曼衍魚龍戲班  
聯鵷鷺陪東京繼文藻西園思上才陽春頌明德終是邈  
鄒枚

何水曹遜示寮

平楚層陰合長林晚煙聚空江澹微波落日隱遙樹初月

起秋髮殘星下巖霧斷峽猿競啼澄潭雁飛度境曠絕諸  
妄神清瑩百慮漂搖古原上疲馬識征路雲嵐思故山撫  
景時一遇眷此壯士懷慨焉悵遲暮長辭石渠彥采采木  
蘭露

蕭東陽子雲望春

修陰夾槐里香風生蘅皋登高遠目縱流盼春情翔文鶯  
選綠樹綺燕嬌紅桃遊女朱輪馳公子華纓飄采藍中谷  
選拾翠迴塘遙寶馬嘶桂勒畫輪弭蘭橈病臥懷藍田眷  
念中心忉

虞長侍義北伐

嫖姚度絕幕車騎出長城長城萬餘里落日煙塵生暗風



塞馬嘶驚沙隴雁鳴玉帳起寒色金笳沉夜聲壯士空同  
劒漢將天山旌偃月築堅壁長星貫敵營闕支泣紅粉當  
戶紮元纓龍沙淨掃穴狼望快犁庭瀚海舊垂績燕然新  
勒銘金人朝漢闕玉馬獻周京靈臺方偃伯武庫長銷兵  
功成報天子偉烈邁千齡

吳朝請均春怨

珠簾朝日升羅幌微風扇金枕閒空牀銅鋪鎖深院綺樹  
初畱鶯雕櫳又來燕衣薄寒瑤璫袖長觸寶釧檐柳骨紫  
釵鏡花消翠鈿曉妝愁不成午坐繡初倦行藥遲中庭看  
花怯遙甸芳期度寂寞春閨等秋殿征人萬里餘相思那  
能見欲寄隴頭書歸程託春雁

徐內史俳酬友

長河迴一曲太華削三峯雙龍樹華闕五鳳建曾宮宣溫  
煥列宿嚆蜺驗別風仙波流太液靈草植唐中金爵觚稜  
上銅盤沆瀣濃飛薨接陽馬複道亘雄虹綺陌褒斜帶金  
溝瀟灑通少年三輔俊結客五陵雄長執侍郎戟能挽壯  
士弓恥邀劇孟侶思建嫖姚功歸來畫麟閣劒佩自雍容

劉祕書孝綽歸沐

暫容辭禁籞休暇美遨遊徘徊望省闈宮觀鬱然稠周廬  
滿上蘭馳道暗長楸金壁麗華闕翠閣隱層樓鵷鸞翼宣  
室蓬萊濫瀛洲玉泉上支鱗珠樹鳴春鳩嗟予嚴察姿羈  
宦心煩憂雕龍非爽侶吐鳳豈雄儔世網懼見櫻初服何

能酬灞水頭蘭櫂杜陵鳴華翰絃桐奏落日簫鼓遲中流  
未遑謝軒冕聊以慰三秋

劉庶子孝威詠月

絡角長河掩高城清漏殘濃陰轉綠桂微露霑紅蘭輝分  
圓鏡滿影入高樓寒涼暈蕩珠箔明輝流玉闌極浦雁初  
下長征人未還鄉書盼不到寒衣寄亦難中庭怨砧杵孤  
枕夢刀環龍城三五夜應復倚弓看

庾開府信詠懷

橘柚南中樹臙脂北地花羈心悲去國旅夢易還家玉塞  
空春色金陵幾歲華江山懷鳳閣風雨暗龍沙寒聲驚朔  
雁客情愁暮鴉惟餘王粲恨極目此天涯

陳後主叔寶秘飲

佳節啓宸苑芳春遊近畿  
瓊樹隱禁葢瑤林出畫旂  
金溝綠水漲玉殿青樽移  
觴浮羽自捷波激珠連揮  
桂月掩歌扇蘭雲裁舞衣  
簪纓美華飾執綺生光輝  
花花各異色燕燕自交飛  
懽洽盛文藻旣醉莫言歸

徐僕射陵春情

暄回薄寒減畫長春困降  
草長蘼蕪邨水落芙蓉江  
蛺蝶上妝砌蜻蛚窺畫窗  
池鏡落花照風簾來燕雙  
香痕冷金鵬燈穗消銀釭  
寒芳惜日暮何處採春芳

沈侍中炯自傷

蘇武悲殊域崔駰憶舊鄉  
中原異疇昔行子意摧傷  
狼望

花疑雪龍堆月似霜金輿怨蕭瑟玉殿動悽愴鶯花廢苑  
舊燕麥故宮荒井邑空遺蹟河山弔夕陽通天臺下客祇  
自怨興亡

陰常侍鑿送別

颯花迎去舳煙水盪迴橈遠浦歇朝雨空江生晚潮煙迷  
揚子渡雲暗石城橋別意滿芳樹離情繫柳條遊子悵行  
邁羈人惜路遙乍幸萍水合各惜飛蓬飄金尊薦華袖銀  
箏怨綠腰行旌隨去雁極目駐蘭橈

張散騎正見汎舟

芳渚乘新漲流波蕩畫紋蘭橈全倚水桂棹半圖雲花氣  
風隨合秋陰雁共分仙靈疑泝洛艤艤憶橫汾菱蘊遙渚

動蓮唱別舟聞翠被焚香夜還應羨鄂君

江僕射總羈思

寒霜晨雁急衰柳夜烏啼故國悲煙雨家山泣鼓鼙玉樹  
花枝斷蒼梧雲影低春江潮寂寂秋閣草萋萋紅綃遺舊  
製璧月失前題吳語幾能慣越吟空自悽金陵王氣盡還  
復弔青溪

魏特進收喜雨

油雲暗遙嶺微風轉前庭山中石燕舞屋角斑鳩鳴碧滋  
苑樹重紅潤檐花輕午陰消翠幙夕涼生畫屏簾櫳密絲  
織池沼圓波生聊將雲漢意稍酬望歲情

盧武陽思道贈別

博望河源遠長卿蜀道難何如乘漢節西去鎮秦關金尊  
別酒盡玉筵驪歌殘飛雨雁邊下橫雲馬上看明星華嶽  
樹曉月黃河灣冰開素滌動雪霽藍田寒茂陵花定發灞  
岸柳堪攀舊里沒文礎荒池起廢蘭非尋金馬去詎訪碧  
雞還會邀明主賜珪璧琢明珎

李內史德林銷夏

虛堂初下露水榭自生煙疏窗薄帷動密樹繁陰圓流黃  
珍簟滑疊雪香羅妍扇中秦女鳳紋上魏宮蟬寒綠自沉  
李輕紅初上蓮及此陶嘉日林塘晞髮眠

隋煬帝廣寒宴

狼河煙不動龍堆花自春仙雲玉帳繞麗日朱旗殷單于

祝曼壽闕支稱至親天山空事漢長城應過秦從今絕域  
外不復祭金人

楊楚公素山齋

素襟避塵囂棲山事卜築紅泉澄空潭翠磴澹深谷碧鳳  
馴疎桐蒼颺響修竹風來藥苗香日下松陰綠聊用適性  
情非爲耽幽獨抱琴遲素心江湖遠高躅

薛司隸道衡酬憶

別緒雲霄路羈懷江海人嗟予猶滯洛念子獨遊秦秦關  
卽長道望遠心如搗花紅芳甸暄波綠春江曉曉夢託相  
思悠悠不可期碧落金神掌明星玉女祠祠前雲樹斷采  
藍嗟不見日暮憶王孫空梁有來燕



帝京篇擬唐駱賓王作

洛邑周王甸咸陽漢帝畿規模甲天下風雨會京師京師  
建置逾千載虎踞龍蟠形爽塏南襟河濟北居庸左擁太  
行右滄海山海關河鎮上遊星精箕尾應皇州京兆雄三  
輔桑乾匯衆流春光明禁苑恩波接御溝御溝禁苑千門  
裏參差宮闕中天起五鳳高樓勢切雲九龍馳道平如水  
馳道望迢迢雕闌白玉橋光風前殿轉輦路後宮遙宮殿  
岌巖勢盤鬱觚稜直上棲金爵倉琅魚鑰屈戍懸金碧雕  
稜網絲絡宮瓦隱鴛鴦宮花繞苑牆九重門詠蕩萬歲字  
輝煌寶扇開仙仗金鑪飄御香將軍玉具劍侍衛綠沉槍  
宰相司樞密文儒侍尙方檢書三館吏分直六曹郎別有

侯王眞富貴上清解識龍鸞字孔翠翎飄日影華鵝黃衣  
染天香細溫室晨趨奉至尊救陳前席獨承恩國人爭說  
金吾貴八部旌旗總九門九門環繞重闌護玉河流水金  
隄樹三條鬱鬱接崇城九陌迢迢臨廣路九陌三條勢閼  
麗樓臺高入青雲際列戟鳴鐘田竇家鬪雞走馬金張第  
西城護國東隆福百貨開場車馬逐估兒赧面唱衣裳賈  
胡碧眼評珠玉韋杜城南尺五天崇臺開館望如仙琳宮  
舊入伽藍記繡碣曾摹武德年蕭寺海棠嬌暮雨豐橋芍  
藥嶽朝煙春明二月於遊冶俊侶鮮衣各都雅雛姬宮髻  
繡花袍小侯玉勒青驄馬朱輪翠幃七香車知是侯家與  
主家曉月白催趨北闕夜燈紅照出西華路出西華繞西

苑翡翠恩隔蒼蠟玉疎晴眠金海頭汪洋太液春波滿  
太液接瀛臺芙蓉水殿開曉風疎禁柳清露滴宮槐賜宴  
詞臣至嬉冰禁旅來望中樓閣參差見萬歲山前壽皇殿  
妝臺何處問蕭家春深瓊島飛花片別有離宮三十六漢  
家不數甘泉築福海慈雲繪梵樓壽華嘉蔭團書屋長春  
仙館蕊珠宮紅欄半繞青山麓青山泉脈下如虹昆明湖  
水遠涵空龍鱗鳳翮搖空綠甲帳牙旗映水紅供奉宸遊  
邀 睿賞翠華來往碧波中 聖人萬壽天元旦五色祥  
雲縈玉案百官舞蹈立丹墀千叟班聯賡曲讌海表陪臣  
萬里來九州清宴無傳箭金簪紫帕識琉球崩服蠻鞋知  
緬甸白霄名王禮最崇天家戚里尤恩眷萬方賁貢達梯

航內地材官走篋筐仙荔紅酣畱宿本春茶碧嫩進頭綱  
爲備歲時羞 寢廟非關口腹累遐方人才更較珠璣貴  
國學園橋啓講堂 經筵特命儒臣直視學臨雍布恩澤  
獵褐重纂籀史書鴻都誰繼中郎筆三年貢士聚如雲盧  
溝車馬日紛紛輭繡天街麗泥金蕊榜新芙蓉鏡中字櫻  
桃筵上春紅綾賜宮餅文綺拜 恩綸從來卿相多由此  
不媿科名定有人長至 園丘大禋祀鹵簿威儀肅蘭綺  
天閤十二盡龍媒宿衛三千皆虎士冉冉香生瑞靄濃盈  
盈樂奏仙韶美對仗平交白象牙銜書直下金雞背西山  
紫翠學蟠龍南苑煙花隔崇雉南苑下霓旌紅門對鳳城  
六師春肄武八校曉屯兵壯士能馳馬孤兒憤射生虎槍

爭殺虎鷹臺試瞭鷹長楊學士賦細柳將軍營農祥太史  
書晨正耕籍由來重農政綠滋菖葉祝年豐紅綻杏花微  
月令杏花菖葉雨中天撲地魚鱗百萬廬銅街鐵市路迢  
遞繡柱蘭窗戶接連就中豪俠名堪舉半是吏胥半商賈  
居然勢力埒王侯頗知徵逐耽歌舞金樽美酒斗十千玉  
顏少婦年三五獸炭貂裘不覺寒冰甌雪碗能忘暑繫馬  
傍垂楊壚頭春酒香金刀擊鮮膾赤鯉玉盤行炙進黃羊  
曲折胡同路狹邪芳菲桃李是倡家巧笑開嬌靨低鬟落  
翠花銀燈按絃索玉手弄琵琶蕩子黃金彈蕭郎白鼻騮  
南部梨園亦眉嫵二八雛伶花解語燕瘦環肥各擅場品  
題誰續燕蘭譜別有名場跌宕人青衫烏帽抗黃塵碎琴

都市知音少，賢酒旗亭樂府新。長安自古多冠蓋，西京人物思高會。閱盡升沉處處分，始知人海茫茫大。伏軾初來觀上都，九重闔闔隔雲衢。金臺日暮無芳草，燕市天寒有酒徒。張衡能作賦，賈生思上書。玉燭金甌昭聖德，千秋萬歲登皇圖。

### 盧姬篇

盧姬少小事，魏王薰羅舞。衣花舞裳魏王宮，中起三臺登臺遠。見漳河來文杏，作梁蘭作屋。朝歌夜絃暗相逐，臺上臺下如花人。新妝曉鏡紅玉春，西陵松柏悲風起。總帳無人寒似水，高臺迴首識嘉賓。翠幌珠簾散彩雲，蛾眉出宮不辭晚。眼見三朝事，作塵。

翻風怨

妾初奉君宴嬌若芙蓉花細骨復輕軀縹緲凌飛霞碧纒  
輕試鳳香塵不霑鴉珍珠賜百琲舞袖生光華妾齒日以  
長君情日以疎秋風冷後房明月窺前除脫我金縷衣疊  
我香羅襦聞君交州回新得美顏姝別起三成樓朝日耀  
金鋪置之同心帳香囊下流蘇贈之百寶釵珊瑚間明珠  
玉壺薦芳醴金盤膾鯉魚新人年幾何十五頗有餘玉顏  
願長保君恩終不渝

摩多樓子

長征十萬人遠行八千里秦山復楚山隴水更遼水山高  
水復深日暮愁人心西望風塵色東流嗚咽聲道遠夢難

越邊風與邊月邊月照刀環邊風吹馬骨

達摩支曲

素手繰絲絲不絕寶刀斷流流更急今人心豈古人意昨日花非前日色君不見秦皇虎視何雄哉美人置酒臨高臺地下已看牧兒入海上不見童男回又不見漢武求仙乏仙骨甲帳珠簾冷秋月茂陵松柏摧爲薪王母桃花又成核

落花怨

春風吹落花花落無還期終戀芳樹恩猶傍故枝飛太息復太息狼藉委綠苔春風欲吹落何如不吹開逝水去不返玉階啼慘紅祇因花薄命不敢怨春風



秦女卷衣

鴻臺白日長  
蘭池春草芳  
不奉君巾舄  
但卷君衣裳  
羅帶亦有蹟  
錦薦自生香  
敢拂珊瑚枕  
虛窺白玉牀  
還憐六宮女  
從未夢容光

愛妾換馬

蛾眉雙柳葉  
駿骨一桃花  
逸足飛黃阜  
仙容萼綠華  
龍媒長入殿  
鳳髻永辭家  
雖自逢知己  
餘情戀正賒

牡丹種曲

東風一枝香  
一國繡羅裙  
蜀帳延春色  
燕支著雨紅  
關干鏡裏晚霞嬌  
暮寒豔態愁  
春意閒逸人  
與花枝爭第一  
綠房檀炷緯有神  
花枝亦似無雙人  
樓臺百寶仙  
雲採羣芳領

袖東皇寵春燈華屋明月明綠章更乞花長生

芙蓉曲

芙蓉花開秋水波芙蓉花落愁奈何鯉魚風起江水碧染  
出芙蓉好顏色煙中拍拍飛鴛鴦折花女兒空斷腸花枝  
影雙人影獨回頭羞見鴛鴦宿

湖上謠

湖上可採蓮蓮花清且鮮朝花嬌欲語暮花紅可憐湖上  
可採菱菱角浮復沉兩角梳作髻四角安作輪秋水寒澹  
澹採菱莫採芡芡實剝雞頭菱花照人面晚波清瀏瀏採  
蓮莫採藕藕絲柔腸牽蓮子苦心剖儂亦不採菱儂亦不  
采蓮日暮蕩舟去沙上鴛鴦眠

江南樂

江南樂楊柳桃花滿城郭臨水家家開畫閣碧紗虛窗繡  
羅幕玉鉤半挂眞珠箔如花女兒花灼灼眉影彎環腰成  
削春衫稱身身綽約玻璃酒船門外泊鸚鵡之箋鷓鴣杓  
紅梁碧醴隨意酌玉簫金管兩頭作國手無雙弄絃索丁  
丁細聲私語託晚霞銜山白日落明燈照臉紅暈薄鴛鴦  
無聲春漠漠人生無如江南樂

春陰曲

萬綠催春欲成水花霧濛濛吹未已溼雲如墨暗簾櫳一  
把柳絲收不起琴絃生澀觸手寒熏爐香燼春衣單落花  
迴風絮迴雪綠苔小院紅闌干鏡中愁壓眉痕重妝成獨

倚屏山鳳燕燕鶯鶯啼煞人隔牆喚醒桃花夢

鴛湖曲

春波漲桃花春風折楊柳楊柳舞翩翩明璫小垂手垂手  
畫橋邊飛花送客船浪花吹作雨水氣暮成煙疑煙更疑  
雨綠鬢誰家女雨漿捷如飛玉腕輕搖櫓香草采汀洲攀  
芳上畫樓闌干紅不斷煙雨滿樓頭樓頭卽湖面水深看  
不見何處動離情伯勞與飛燕水意亦徘徊鴛鴦煙際來  
波開浴蘋葉沙淺啄莓苔縠紋隱前渡鴛鴦雨中去花落  
不辭枝風吹合歡樹鴛鴦復鴛鴦雙飛宿畫梁數來七十  
二兩兩自成行

秋夜琴聲曲

銀河夜靜聲珊珊流雲洗出白玉盤秋風無賴吹羅紈冰絃生澀凝夜寒美人纖手一再彈瀟湘水急生微湍秋心恍忽來無端仙之人兮乘青鸞或攀芙蓉紉幽蘭金鵝花樹搖團團紅冰溼露衣裳單桐陰漸轉金井欄青天碧海生微歎參橫斗轉夜向闌老鳥啼上青琅玕

擬宮中行樂詞

瓊笈繡宮史瑤池選麗人漢皇金作屋秦女羽爲輪結佩紉梔子簪花續祕辛玉顏誰第一領袖六宮春鳳扇雲同啓蛾眉仗對排春迴胡蝶袖花簇牡丹鞦畫冊金泥字芳名玉篆牌東皇邀一顧低首拜瑤階

國色明於玉宮妝麗似花一雙眸顧鳳十五鬢垂鴉石葉

熏華薦金燈照鈿車內人親記住淑質出良家  
翡翠盤花帽鴛鴦上繡袍筆抽斑竹管箏按紫檀槽宛轉  
窺蘭鏡綢繆印桂膏春深如意館不數鄭櫻桃

瀟湘引寄人湘中

瀟湘夜靜華月明瀟湘水急寒潮生秋風帝子嬋娟靈駟  
玉蚪兮翳華旌素女寶瑟鏗然鳴冰絃颯沓飛秋聲送君  
遠遊之赤城雄虹雌霓來相迎芙蓉爲裳蕙爲帶撫長劍  
兮西南征將軍玉帳河魁橫吳戈犀甲紛短兵弔國殤兮  
悲禮魂青楓日暮啼颺颺朝揚舫兮枉情夕捐珥兮洞庭  
溯桂舟以延佇木葉下兮君山青噫嘻乎悲哉靈均一賦  
心徘徊幽篁深兮美人怨女蘿暮兮山鬼哀蒼梧之雲杳

不可見楚宮天遠章華臺噫嘻乎悲哉荃蕙化兮蘭芷摧  
蛾眉謠詠兮鳩鳥爲媒天涯不可以久居兮懷故鄉兮歸  
來

燕姬行

燕京女兒美如玉凝脂一片嬌新浴燕京女兒顏如花斷  
紅雙頰勻朝霞如花如玉豔傾國黛染蛾眉檀暈的胭脂  
山下是兒家絕代芳華好顏色雲鬟新樣內家妝翠鳳雙  
花作兩行琳瑯寶珥垂肩重綵繚宮袍拂地長便房曲折  
風簾護響屨空廊立細步對鏡親將芍藥簪掃牀時有檀  
榔吐蛺蝶傾滑膩芳蘭雪白吳綾護曉寒臂上睡痕珠絡  
索口中花氣玉連環桃花顏色芙蓉面烏鞞翠帽尤輕便

嫋嬈眞方馬上，看娉婷更憶車中。見馬上車中影，最嬌祇應一顧一魂銷。生憐酒畔迴青眼，慣聽花前奏綠腰。五陵年少輕離別，闌干玉筍當筵涇。簾聲中憶遠人茫茫青海秋，飛雪黃羊行炙玉盤珍。手點駝酥塞上春，試譜延年新樂府，北方從古出佳人。

### 塞下曲

七月飛霜八月雪，怒馬如龍四蹄熱。十五五腰帶刀繡，澀臙脂戰場血。材官曠騎空紛紛，眼前誰是飛將軍。金微道遠玉關暗，美人夢隔燕山雲。夜夜天南看北斗，狼煙不動太平久。間卻射雕好身手，罽前且醉蒲桃酒。

### 將進酒



將進酒登高臺高臺三成浮雲東來黃河如絲入杯底白  
日不動青天開將進酒開曲房畫屏七十紅鴛鴦佳俠窈  
窕修眉長神光離合何揚揚將進酒爲君酌鸚鵡杯鸚鵡  
杓玉缸酒滴眞珠紅纖手無雙羅袖薄將進酒勸君盡六  
曲珠燈蕩華暈今夕有酒不盡歡明日秋霜點疏鬢將進  
酒爲君歌鳳嬌鸞靡簫管和明月三五花十八濃香飛入  
金叵羅將進酒歌且舞顚山香承節鼓白紵如霜好顏色  
長袖迴風颺袿組將進酒歌莫緩舞莫停明珠十斛酬娉  
婷屋角耿耿參星明使君富貴兼令名美人曼壽天下平

朔方健兒歌

朔方健兒幽并豪長弓硬箭腰帶刀燕支山高雪花大飛

鷹逐兔呼其曹生搏猛虎擊豪虜上馬下馬如飛猱胡姬  
十五美如玉當壚勸客傾蒲桃醉數箭癢說疇昔解衣不  
覺酸風高昔年詔發交河卒遠上秦城看邊月月中生縛  
五翎侯夜半橫刀入虎穴征人辛苦將軍功橫草功名空  
第一十年百戰還歸來不作交河道旁骨故人多畫雲臺  
上昔日小卒今大將誰識當年老健兒祇餘刀稍猶無恙  
吁嗟乎夢裏垂楊生左肘古來遭際良非偶莫倚健兒好  
身手且盡尊前一杯酒

搗素短歌

空庭露寒浸羅襪砢杵家家搗明月月中搗素不搗衣淚  
痕溼透流黃絲去年絲到今年舊今年人比去年瘦牆根

陸道出言夕身卷一  
三  
絡緯聲淒淒牆頭又見銀河西郎在銀河更西去裁素作  
衣寄何處

塞下變歌

雪花翻急繡旗風玉帳寒聲墮塞鴻十五胡姬明似玉桃  
花馬上解彎弓

爛醉蒲桃酒一卮少年閒過太平時弓衣織滿迴文字盡  
是梅家五字詩

宛轉歌

奉君觴拂君白玉牀瑟瑟羅衣媚蘭澤明明夜色迴燈光  
歌宛轉宛轉九張機願爲合歡被長侍君房幃

迴風舞落花吹復起來如巫峽峯頭雲去作盤塘江上水

歌宛轉宛轉長相思願爲雙玉環相憐無已時

送遠曲

澹川將之揚州四香蔣山將旋吳門作此送之

雨絲織水湖影平落花無語各送行燕子初來客初去峭  
帆目斷江南樹送君去思君來陰廊三日生莓苔莓苔生  
衆芳歇長相思夢飄瞥蘇臺草揚州月

擬古東飛伯勞西飛燕一首寄龔素山岡中

東飛伯勞西飛燕人生那得長相見東海鯉魚不上潮笑  
蓉萬疊青山高青山高高海水深相思日暮愁人心我嗟  
別久君行遠美人寂寞芳春晚天涯芳草何年歸池塘花  
落風吹衣

頤道堂詩外集卷一

頤道堂詩外集卷二

錢塘 陳文述 退庵

古今體詩 體物

詠馬效昌谷

雲翦五花鬢春槽苜蓿紅天閑十萬匹第一是真龍  
一瞥影超塵昂藏八尺身桃花名字好不惜換佳人  
鑿石立唐陵鑄金森漢關碧落蕩華雲房星明似月  
一顧鳴知已秋風萬里心生憎燕太子只解擲千金  
珠絡錦連錢珊瑚七寶鞭少年美如玉騎爾上青天  
莽莽陣雲開笳聲動地來西風吹匹練直上白龍堆  
小鳥巢於叢桂棲必以雙人呼爲十姊妹戲爲詩之

對語定知連愛聞呼便欲消魂問是誰家姊妹何如桃葉  
桃根

一一紅樓作伴雙雙翠羽生香何不學他燕子雙棲宿我  
雕梁

璧臺獨立何處青溪雙笑經時涼露一庭金粟月明我正  
相思

黃浦秋深寂寞碧雲日暮徘徊畱待江南春色來年姊妹  
花開

白蓮

迴文白石塘亞字紅闌曲春波澹連空秋水明於玉楚楚  
白荷花輕風吹素霞香泥生藕小碧蓮裁葉遮瑟瑟瀉珠

露亭亭隱玉沙仙人綃素裳隱約昔邪房豔態嬌鬟飾羞  
顏紅粉妝流紋蕩華帳白壁裁明璫臨風如欲語水佩翩  
翩舞根成連理枝蕊簇同心縷采采獨含愁嬌嬈出畫樓  
銀塘水無際碧波花亂流迢遞蓼花渚浩蕩木蘭舟秋風  
吹夢斷明月滿西洲

家石士庶常

用光

招飲席上食茶菰卽賦

爾雅釋中爰呂覽載越路桑婁文說許地尊書著郭菌譜  
吾家書稠膏論精鑿栗殼與麥丹品題侈綜博涼堂開秋  
宴四座列肴膳名酒斟芙蓉仙醬設芍藥傳聞異味來食  
指動各各氣韻挹清華風味出澹泊珍逾紅人覓美勝鹿  
女藿主人敬愛客屈指說約略江鄉名茶多厥物所依託



醞釀由鬱蒸變化出寂寞爲蕢味同舜似茹種異籜類近  
桑鵝耳形比樹雞腳託根玉茗清得氣冰芽薄多從雨後  
生每向春前穫但宜纖甲摘不用蕭斧斫廻憶未採時一  
一銅釘著縛以鍼貫絲盛之籠裏簪遠道三千里風味尙  
如昨難從藪品徵應向茶經索撫掌稱清談朶頤恣大嚼  
我才媿相如頗苦消渴作得此佳品嘗勝飽靈沙臍芳甘  
回齒牙清涼沁齟齬何必食禽芝昇仙跨黃鶴更試雙井  
茶涼蟾上秋幙

密雲道中食壺棗

少日讀爾正食棗每心異苦旣名齟洩稔獨號還味醎醎  
清異錄嶗嶗洞冥記玉門及西海數典盡能識此棗從何

來盛筐篚列肆末大本漸小厥狀與瓠類閭閻紅玉皺顆  
顙紫雲膩試檢唾棄核亦作蜂腰細壺棗始名棗種本異  
暫槭命名必象形古人有精義耳食易滋惑目擊方辨僞  
因笑世儒陋鑿空滋浮議小物尙如此詎可空言試不學  
安期誇作曾嗜一壺直千金拳拳赤心厲

### 女兒酒歌

女兒酒如女兒嬌鵝黃一片春欲消女兒酒如女兒豔紅  
暈燕支波潏潏越中生女顏如花越中釀酒濃如霞嫁衣  
未裁酒先熟應識嫁時香更足酒爲女兒釀名亦呼女兒  
二八芳年作新婦三五圓月應佳期雙龍玉瓶瀉春碧絕  
似女兒好顏色鬱金之味蘇合香更與女兒同芬芳酒人

一見開口笑如見女兒正年少花前一飲三百杯更呼女  
兒來謝媒

雙鸞鏡歌

秋潭畫靜菱花寒瑤臺飛下白玉盤尋常金粉照不得中  
有比翼雙青鸞鸞尾襍褻鸞背滑畫羽玲瓏振仙骨流風  
宛轉香雪迴斜拂銀河入秋月月華蝕土青苔滋鏡面繡  
澀凝胭脂一點洞明化仙汞想見玉人雙照時玉人小別  
芙蓉冷碎裂春冰寫孤影青鳥難傳錦字書獨臥女牀秋  
夢醒何年攜爾共還鄉璧月樓中照曉妝乞繡鏡囊新樣  
好竝頭花下宿鴛鴦

戲蓮

梅根飛出仙雲黑不鑄鐵簫鐳鐵蓬元冰一握朱脣寒青  
天吹作芙蓉色螺紋百結螺花鋪秋星厯厯排明珠昆吾  
夜斷瘦蛟脊誰與作者來南圖款上我聞中郎舊截柯亭  
竹寧王醉弄唐宮玉秦庫昭華不可尋房家玳瑁今誰屬  
尺八何如鐵鑄成水仙夜舞雌凰鳴江城楊柳不堪折倚  
樓愁聽關山聲草堂夜雨開金粟淚痕洗盡湘江綠鐵厓  
曾賦冶師行玉山誰奏花遊曲八月秋風下洞庭魚龍夜  
伏暮山青鐵心譜出梅花弄吹與羣仙月下聽

流雲榭歌

太古老樹根如鐵龍蟠蛟伏潛蚪掣仙人一臥三百年秋  
蟾夜嘯寒山雪廣寒讌罷銀潢秋白雲如水當空流二十

四橋露華冷天風吹墮康山頭晚潮催我征帆卸我到康  
山正秋夜醉來一榻枕流雲雲中彷彿虹梁跨月鉤低捲  
珠簾斜瑤臺四面開瓊花黃姑玉女笑相見夢遊直到仙  
人家仙之人兮酌我酒手挹天漿斟北斗鵝笙低按紫雲  
迴花下仙娥小垂手碧海厖厖秋星光微風欲起飄霓裳  
雌皇小鳳侍無數碧城十二驂翱翔芙蓉雙花瘦雲葉夢  
裏詩魂作胡蝶碧雞唱曉扶桑枝雲染秋衣佩珠溼

葵花鳳歌

大如鸚鵡色淡黃首有冠如鳳出西洋附海舶至  
津門偶於玉連環室見之觀微物之羈棲感我躬  
之漂泊因爲此詩

昔年曾賦桐花鳳翠羽交交好音嘶滿庭香雪碧梧涼萬  
里丹山春入夢爾名何乃稱葵花鵝黃澹染秋天霞尋常  
青紫未足羨道家收束眞風華十洲路近重洋隔瘴雨炎  
風驅海舶引頸猶傳海外聲凌霄不是中原翮翠幙雕籠  
覺乍涼燕山八月已飛霜祇應繡檻紅鸚鵡一樣羈棲憶  
故鄉

詠雙劍贈玉次山同年

格

雙劍如秋水何年百鍊鋒平分幾星斗靜臥兩蛟龍霜雪  
各自愛風雷都未逢劇憐皮相者顏色賞芙蓉

詠鏡

明鏡如明月朝朝照面寒曾將兩人影同向此中看自別

秦臺鳳常閒珠樹鸞菱花莫輕拭雙淚落汎瀾

詠水仙花效劉孝綽

鏤冰與琢玉幻出此花身若非漢濱女便是洛川神縞衣  
閒顧影羅襪自然春惟應洞房裏長伴詠花人

雨中牡丹

綠暗雙龍鏡紅銷百寶闌天香憐夜雨國色怨春寒清淚  
啼金粉愁心寄玉盤相思眠不穩自起翦燈看

玉連環室賞桂

花氣隔簾香秋陰落畫牀金鵝倚屏瘦紫蠹墮絲涼綴鳳  
分鬟綠盤龍照額黃相思方寸地星斗憶東堂

擬古二首和秀楚翹學士

裊裊鵝黃色最嬌離宮金碧畫生綃路迴瓊島陰偏重風  
轉華旗露未消二月鶯聲初欲繞六宮眉樣不須描靈和  
有客如張緒記得花前賦早朝

御柳

落葉隨風翠羽翻飛飛長近月華門遊經芳淀通仙路棲  
到觚稜是主恩苑樹月明驚白曉禁鐘雨細集黃昏玉人  
簾下垂鬟見惆悵昭陽日影溫

宮鴉

### 晚霞

晚霞更比曉霞殷變後江雲態轉閒暮色濃遮千里樹斜  
陽澹寫六朝山詩情秋水羅羅外別意春星脈脈間有客  
天台曾作賦赤城如畫夢中還

彷彿明妝絕代姿碧雲四合意遲遲江陵城郭人何處海



國樓臺我所思暮雨漸收神女廟晚煙初上水仙祠青天  
盡作芙蓉色愁煞南朝小謝詩

澄江倒影暮生寒瑟瑟微波著意看散處尙成餘綺豔染  
來宜稱薄羅單酒邊詞客題孤鶯夢裏遊仙跨采鸞最憶  
晚妝高閣上玉人同泥畫闌干

雲錦催成五色花鱗鱗魚尾射平沙鋪將丹地星妃宅織  
出璇機帝女家淺碧吳天橫去雁斷紅楚樹送歸鴉不須  
惆悵春痕晚清夜西園月最華

杏花

珍重仙林放未遲玉欄羅幙覺相宜穠華得氣先舊葉消  
息催人問柳絲碎錦舊聞裴令宅  
罪英何處葛仙祠日邊

近荷東皇寵紅上春風第一枝

隔巷簫聲喚賣餠故鄉風景又清明畫幕院體詩宮體寒  
憶江城暖禁城香壓帽簷花露重豔銷衫袖酒痕輕最憐  
聽雨高樓夜一枕江南夢不成

細點消寒九九圖脂痕紅暈雪肌膚路迷太守爭春館花  
落吳姬賣酒壚廿四番風曾徧否一雙新燕已來無天桃  
穠李空顏色未及蓬萊品格殊

細踏晴香緩著鞭紫駟嘶斷綠楊煙六街樓閣人如玉十  
里旗亭望若仙陌上冶遊曾有約曲江春色自無邊祇應  
小宋風流甚贏得新詞萬口傳

紅樓

杏花微雨又黃昏燕子雕梁舊夢痕定有闌干工宛轉可  
無燈火話溫存明河絡角誰家遠花影橫階別院門海樣  
深沉天樣遠縱無人在亦消魂

翠幙

避風深坐靜園香隔斷層城路渺茫曲曲景思低畫額珊  
珊環珮憶紅牆謝家步障青綾密漢殿流蘇翠羽颺惆悵  
紫羅三十幅花花葉葉繡鴛鴦

團扇

入懷明月最相思祇合纖纖玉手持五字醉題誰擅絕六  
宮秋信最先知鈿車顧影雲神廟畫舫低鬟繡女祠二句  
我是江南舊詞客冰紈曾寫合歡詩

畫屏

幾時周昉寫嬋娟  
六曲迴環九疊連  
鈿窰倚聲春雨後  
玉釵交影夜燈前  
唾絨舊蹟連環小  
詩草重看錦字鵞  
笑指嬌嬈問誰是  
娥娥宮髻總如仙

紅簾

簾波三尺漾玲瓏  
湘碧何年換海紅  
別淚誤拋珠幌上  
喚塵不到畫樓中  
香泥四面椒爲壁  
樹影重檐桂作宮  
最好銀燈照深夜  
酒痕暈得粉光融

丁字橫陳紫氣浮  
舊遊十里憶揚州  
春潮紺雪花雙鏡  
新月明霞玉一鉤  
問字可容依絳帳  
題名眞合署朱樓  
緋袍茜袖知多少  
小隊笙歌擁夏侯

彷彿虛帷麗茜紗回文應共赤欄斜雙垂銀蒜遲春色一  
片橫波誤曉霞羅額繡鵝繡宋史香襟歸燕認虛家吹來  
幾點廉纖雨疑是細桃落晚花

錦屏花慢鎖相宜看碧成朱境轉奇序寫玉臺吟玳瑁妝  
窺金屋暈臙脂白珠不結神君屋珊瑚疑穿越女絲無意  
春風借顏色已教壓盡萬花枝

琅嬛仙館小集分詠食物二首

合買秦淮十畝田一畦秋綠夕陽邊種從水輦山溫地廟  
向清霜小雪天兩字芳名宜對酒六朝風味試當筵甘芳  
雅與詩腸稱飽喫黃芽憶往年

瓢兒  
菜

姑勞風味乍登筵品在鸚鵡竹螭前入饌疑逢挑菜節渡

江剛趁載花船近從揚州載菊花一船昌娥名字真宜稱  
脆尹頭銜孰比肩北海品題聞謝客笑他海上種蚶田車螯

### 春草

幾回山雨沃靈根一片萋萋直到門紅豆空迷遊子夢玉  
鉤誰弔美人魂踏來屐齒春無跡望裏袞腰綠有痕曾過  
當時送行處祇應愁煞舊王孫

似我新愁不可刪一簾春雨六朝山人歸南浦輕陰後夢  
在西州夕照間芳徑印來羅襪輾落英襯去舞茵閒板橋  
香豔消沉盡空對藤蘿憶玉顏

繡偏山程與水涯黃宜鵝子翠宜鴉南朝煙雨重三節北  
里鶯花第五家小院空階眠蛺蝶荒陵古道問蝦蟆銷魂

最是橫塘曲回首春風冷琵琶

家在江南水一方空憐小謝賦池塘採將芳杜倩誰寄佩  
到柔蘼影亦香客路有人愁細雨天涯何處不斜陽玉關  
消息知何似綠徧前朝舊戰場

秋桑和阮雲臺師

寒林葉葉響天風秋在疎煙斷雨中牆外空條仍嫋嫋陌  
頭圓影尙童童三更涼夢迷吳苑二月春遊憶鄴宮獨有  
扶桑倚東海一枝仙樾四時紅

指點疎林蔭綠潭夕陽惆悵使君驂書編淮海春非昔圖  
展幽風景尙諸憶我曾經過陌上有人對此話江南莫教  
蟲蝕清陰減畱祠吳儂第八蠶

春郊回首綠雲遮。蕭瑟江鄉感歲華。五畝新涼飛野雉，四  
衢殘照隱歸鴉。箏彈秋水羅敷宅，琴譜西風漢相家。檢點  
寒袍，感衣被等閒壓盡洛陽花。

家家妝閣熨吳絛。憶到三春總惘然。繞屋清陰流曉露，連  
邨疎樹瘦寒煙。西河舊夢紅蠶月，南陌新愁白雁天。寄語  
吳娘，莫惆悵鳩聲梯影約來年。

### 守宮槐

尋常溫樹未應同。別有仙槐號守宮。金屋畫長花麗殺，玉  
階春靜樹玲瓏。芳心宛轉銷蛾綠，小字綢繆暈桂紅。水殿  
雲房三十六枝枝，深鎖月明中。

誰從禁苑譜羣芳。吹散葳蕤靜有香。玉臂舊痕嫌蜥蜴，銅



溝新瓦護鴛鴦珠簾影下人初困銀箭聲中夜正長爭似  
閨房小兒女合歡一樹種青棠

幾番催放可憐宵不管繁華管寂寥芳萼半含羞豆蔻清  
陰不展學芭蕉春風玉樹開三殿夜月瓊枝怨六朝望幸  
心情誰得似吳宮頰與楚宮腰

不共芳蘭亞鳳簪絲絲絳縷碧雲深玉魚夜朗懸金鑰銅  
輦秋寒夢繡衾方鏡冰銷宮女膽長門花落美人心無聊  
又聽紅鸚語竹葉羊車別院臨

秋柳

金閨遲暮玉關秋行子傷心少婦愁萬里可憐仍作客十  
年依舊未封侯纏綿心緒和春盡旖旎年華逐水流讀到

蘭成枯樹賦不堪惆悵獨登樓

哀蟬聲急暮雲涼青鬢蕭騷易斷腸三殿夢迴張散騎六  
朝人瘦沈東陽攀條灞岸連朝雨落葉蕪城昨夜霜賸有  
流萍尙依舊汀洲寂寞冷迴塘

天涯消息怨紅蘭煥雪香羅漸覺單樂府飄零珠絡索美  
人憔悴盡闌干慶奴扇上黃羅舊定子筵前玉簫殘愁絕  
夜烏啼不得西風蕭瑟十分寒

江南江北也婆婆祇覺年來感慨多燕子桃花如夢寐曉  
風殘月又關河銅街感舊迷金馬玉帳懷人繫紫駝今日  
鳳城天樣遠舊家蹤蹟問如何

明開夜合

灤河有樹曰明開夜合結實纍纍色如秋海棠中  
含紅珠晝開暮閉木色白可飾器一名金銀栴  
垂垂細纈豔晨華瓊瑤香龕一樹斜地產靈株迎鳳輦天  
畱情種在龍沙結成珠串相思果開作金輪稱意花自有  
駢枝解銷恨春風不信玉關遮

絳珠粒粒裹紅綃不識繁華況寂寥顏色花花兼葉葉雨  
雲暮暮復朝朝瑤華似寫人雙影瓊樹何須怨六朝繡入  
九華雲帳上遊仙一夢總魂銷

始知草木有因緣似此花開佛亦憐連理好依三昧地託  
根須傍四禪天文章妙合丹青樹晝夜平分赤白蓮那得  
大家說如願星辰長會月長圓

不須繡忿植青棠開到同心別有香  
豆蔻梢頭春二月櫻桃花下日三商  
一雙生怕紅鴛瘦十八休誇紫鶴長  
長十八  
名紫鶴  
出塞外乞與江南小兒女家家稱向合歡堂

### 龍女花

在滇南感通寺按圖經明洪武間寺僧無極入定  
見龍女過其前僧隨至前山見女子冉冉入於地  
中僧以草誌其處明年遂生此花金心玉瓣態極  
艷麗曾以此花獻之闕下友人自滇攜一剪歸因  
爲賦之

魚媵鱗鱗散曉煙定中親見小遊仙  
乘風遠去遺瓊佩行雨歸來濯翠鈿  
貝闕珠宮嬌女怨風鬟霧鬢麗人禪  
嬋娟

省識歸依切幻作名花供佛前

翠羽明珠當寫真木蘭原是此花身散來丈室同天女賦  
到楊林憶洛神七寶新開衆香國十洲如見織綃人玉階  
曾奉君王輦彈指春華感劫塵

芙蓉宮髻藕絲鬟瓔珞前色界分小影全憑華草化妙  
香誰向下風聞聽經偶試珊珊步入夢曾爲暮暮雲消得  
風流花眷屬神仙祇有洞庭君

檀心素質道家妝寶相蓮臺共夕陽金地有春畱蜨曉玉  
壺無語問鴛鴦漢宮夢斷香魂杳楚帳春消舞袖涼一事  
從今纔悟徹名花前世總紅妝

白秋海棠

啼痕掩抑露初收金粉拋殘態更幽國色可憐嬌女怨素  
心誰語小姑愁綠衣楚楚人如玉涼月娟娟夜始秋誰唱  
洗紅新樂府隔簾正按箏篴

落花

臘有閒情欲問禪乘鸞人去竟如仙但隨流水終歸海願  
化香雲早上天蛺蝶重來春是夢薜蘿老盡玉成煙原知  
薄命留難久作意開時已惘然

最難拋擲最無聊一賦閒情抵大招芳徑春殘飛作雪畫  
簾風細下如潮鏡中小影描難似衣上餘香浣不消四壁  
銀燈半庭月那堪坐憶可憐宵

殘妝飄瞥認前身瘦卻闌干一段春領略太疎原我嬾買

栽無地爲家貧空憐紅雨吟詞客何處青山葬美人重過  
芳園倍惆悵畫樓零落網絲塵

飄落琴絃靜有聲閒房尙許捲簾迎溼經細雨眞無那舞  
學迴風尙有情數到華年悲小劫銷完豔福抵三生拚將  
一枕遊仙夢訪爾香魂到碧城

虎邱後山見白桃花

洗紅唱罷雨絲絲海涌峯頭見一枝人去畫樓春寂寂月  
明仙洞夢遲遲果然本色憐花貌如此明妝是雪兒惆悵  
玉顏微歎息縞衣羅襪最相思

詠池上白芙蓉

玉貌亭亭擁素紈拒霜花更比霜寒澹妝雅稱秋潭靚涼

影偏宜夜月殘湘女翠旗人渺渺洛神羅襪步珊珊意中  
別有嬋娟在祇作文君臉際看

雲間得白秋海棠三枝載之舟中賦詩四章

瘦影亭亭翠袖垂牆陰微溼雨絲絲雲間花草都如玉移  
傍紅闌種幾枝

紅絲碧葉影徘徊洗盡鉛華見別裁載向鴛鴦仙舫裏分  
明天際玉人來

滿地秋痕澹可憐玉臺往事總如煙宿雲樓上人何處迴  
首張園作賦年

纖眉澹掃碧羅重樂府新詞唱洗紅我有意中人似玉親  
題小字白芙蓉



翠鈿

義髻千絲密柔鬟百寶裝玲瓏釵鳳亞掩映鬢蟬涼螺子  
消眉黛鵝兒映額黃翠翹遮一抹華勝壓雙行簪影鬢影  
麗鬢雲隱約香新興盤鬪掃知是大家妝

羅巾

蛸蟬明似玉一抹護羅巾豔雪低圍頸濃香散滿身水紋  
明入畫蘭氣膩生春方領團花繡蜚襪掩笑顰淚痕翻尙  
見粉漬染猶新題上珍珠字應憐絕世人

宮袍

排地宮袍豔吹香乍捲幃玲瓏雙玉珮縹緲五銖衣翠袖  
宜長短金褰訝是非顧翻魚子密繡簇牡丹肥褱褱疑神

女穠袿憶宓妃銀貂妝更好青海雪花飛

繡屨

新月誠纖麗圓趺亦可憐吳宮畱寶屨樂府唱行纏扶出

亭亭玉開成步步蓮四分量鈿只

杜牧之詩

六寸束春妍

韓致堯詩

上馬紅韉捷凌波綠屨鮮多情羨溫尉解賦錦鞵篇

香車

繡聽芙蓉飾華軒翡翠裝畫輪扶宛轉寶馬綰昂藏金鈿  
嵌原麗銅釘約最良梁輞覆氎毼轅木壓檳榔玳瑁千金  
輞茱萸百寶箱寬眞容膝屋穩比合歡牀屈戌雙頭扣流  
蘇四角颺六街平若水一路爛生光雲母東西障花枝左  
右望金盃畱紺唾銀葉燕甜香蘭幙春雲熱桃笙夏簟涼

雷聲喧夾岸鏡影寫中央搖漾鞭絲活清圓鐸語琅見從  
西第出知是大家妝緩緩迴華轂輝輝麗紫韁雙鬟認蛾  
綠半面露鴉黃坐合趺文履慵應憶隱囊騎奴驕玉勒侍  
女豔明璫爭道塵沙起聯鑣笑語忙行來碾芳草停處傷  
垂楊禮佛琳宮畔遊仙玉道傍不須青犢駕儼似白鸞翔  
燈夕交如織花朝走欲狂西冷油壁在舊夢那能忘

摺扇

梵字銀絲嵌冰紋碧鈿裝疊疑褰摺綳舒似錦帆張筠擘  
湘娥淚筌調月姊簫芳規傳海國巧樣擅餘杭雁翅排來  
密犀釘約最良製伴蕉葉潤價竝白團昂佛國金經紙仙  
人綠玉章生綃工貼翠豔色奪流黃入貢芙蓉闌揮毫芍

藥堂流蘇分縹緋玉墜繫琳瑯翰墨書仙債煙雲畫院忙  
丹青摹北宋香雪仿南唐可代紅牙拍堪爲玉尺量春風  
出羅袖半月舞霓裳我有新紈扇曾藏紫錦囊美人貽雜  
佩豔曲寫明璫障面羞眉黛支頤染汗香夢回時倚枕妝  
曉代招涼瓊樹花雙幅珍珠字幾行聚頭微吉語纖手稱  
輕颺簾影深深院苔陰曲曲廊風前揮蛺蝶水上逐鴛鴦  
秦女乘鸞去班姬啓匣藏傷心粉痕在怕檢縷金箱

詠櫻桃

灼灼櫻桃花東風太輕薄朝見櫻桃開幕見櫻桃落  
分明荆棘叢橫枝礙當路莫看櫻桃花但伐櫻桃樹

瀛舟詠四照蓮

雲臺師督學山左日署臨大明湖多蓮有一花  
四面者移歸供之同人詩焉花萎後以錦匣貯而  
藏之今數年矣瀛舟讌集出以相示屬賦此詩

吹墮仙雲玉女家風裳水佩各清華魚窺曲沼團團月人  
繞方塘面面霞如此同心宜百子但看半影已雙花尋常  
連理應羞比無數鴛鴦避碧沙

琅嬛仙館賦蕉花

種紙秋窗翠影沉一花初坼畫檐陰碧雲冉冉芙蓉葉金  
縷絲絲豆蔻心細穗不隨紅雨落妙香微覺綠天深遊仙  
笑看堯賓醉溪鹿閒眠宛轉吟

魚魴幽香靜不飛雨聲細碎隔薔薇呼將小字紅牙瘦裏

就芳心綠蠟肥仙子曉胎青玉玦美人秋捲碧羅衣半開  
不學丁香結七尺琅玕倚夕暉

小院清陰鳳尾長重附高出葉中央翠綃一翦花畱影紅  
蝠雙飛月滿廊織練機寒秋入夢學書人去筆生香不須  
摩詰圖中雪自有芳華耐晚涼

翠旗高卓倚風圓細細吹香上綠箋蕊簇雲房花百子萼

承仙露壽千年西園舊放同心蕙東海曾題四照蓮自是

詩仙多瑞應一枝長傍小琅嬛

乾隆乙卯師視學山左署臨大明湖夏日湖中蓮花

有一帶四面者嘉慶丙辰視學浙江署中西園素多蘭是歲所開皆並帶今種蕉皆作花琅嬛花瑞得此而三

### 落葉

芙蓉水榭記停橈沽酒人迷舊板橋古道日斜隨客騎滄

江風急點寒潮行來野鹿喧苔碱聽到哀蟬感玉簫惆悵  
蘇娘樓畔路垂楊如雨夜蕭蕭

玉連環室分賦蓼花

一枝紅不定疎影上扁舟細雨江邨晚斜陽水國秋平沙  
扶瘦蟹遠渚立閒鷗記取停橈別西風古驛樓

灤陽詠物詩三十首

普盤 卽木苺一名懸鉤子爾雅所謂薺也木本  
叢生結實味甘酸以爲卽覆盆者誤按苺有三種  
藤本者大麥苺卽覆盆草本者地苺亦名蛇苺江  
南謂之蛇盤不可食樹本者木苺一名山苺卽普  
盤也

八尺懸鉤樹離離結普盤花凝寒雪白實綻寶珠丹爾雅  
名呼箭江梅味共酸秋窗繙本草休作覆盆看

櫻額 果屬形如黑蒲桃而差小 山莊之千林  
島徧植之紫色若五味子盛京志云一名稠梨子  
或卽本草楮李聲之譌也

櫻額何年種當軒翠幾叢抽條眞綵繚結子亦玲瓏仙島  
千林植靈根五味同稠李兼楮李名字若爲王

烏沙爾器 塞外樹名秋結紅果一枝纍纍千百  
顆移植關內卽不茂地氣限之也

玉帳明駝外秋紅見幾株葉疑雕翡翠實似碎珊瑚名豈  
華言譯榮惟塞上敷丹青誰最好宜筆補新圖



奇石蜜食 回語綠蒲桃之名也結實無子本布

哈爾種西域平定後自回部移植乃有之

回部移佳種甘芳味許叨色分青苜蓿名譯綠葡萄魏詔  
稱原合魏書所云石蜜疑卽此涼州得亦豪 皇興眞廣大小物驗

恩膏

鳳尾松 松葉如鳳尾 山莊旃檀林階碱間植

之

鳳尾同鸞尾松身異柏身巢難畱鶴駕榦自繞龍鱗翠蓋  
分清影丹山悟風因旃檀香界外仙露祝長春

馬蹄蘭 生草間葉如建蘭甚堅紉花作翠色秋

則結苞成子

亦復託蘭譜叢叢曉翠滋芬芳畱佩影蹀躞憶鞭絲逸足  
誰千里同心更幾枝惟應秋塞上兒女贈相思

東薺 卽稗子米後漢烏丸傳作東牆子盧賦作  
東薺似蓬草實如稗子語云貸我東薺還我白粱  
似蓬復如稗穀種說東薺味不殊紅粱償惟許白粱雕胡  
堪伯仲蜀黍競低昂賦手詞人麗相如最擅場

北竺 叢生深秋結實正赤類南天竺子土人不  
能舉其名 高宗賜名北天竺

亦復同南竺徧從北地生紅珠秋後結丹實雪中擎古佛  
無分界 純皇有賜名赤心應若此持以勵中誠

千穗穀 本如雞冠長條細花紅紫色每本數十

條結子可食

如聽穰穰祝田家笑語多丹青摹細膩紅紫暈婆娑瑞勝  
雙岐麥名同合穎禾屢豐知有慶迎輦入衢歌

九瓣蘭 出塞外

不是瀟湘種三三數有加國香真郁烈吉夢亦繁華石上  
分蒲節山中證蕙花還應同玉樹福地產靈芽

吉祥菜 卽蕨菜土人曝乾爲束鬻於關內藥平  
境內有蕨菜溝

曾是西山蕨於今最吉祥溝塍分被畛風露澹生香束作  
同心脯烹宜益智湯兵銷農有慶此味詎能忘

眞珠花 花白叢開如珠野生

結頂光疑佛凝盤露亦仙  
顆分魚子小花綻蕊珠圓似擲  
麻姑米如噴濟土泉胡姬年十五  
簪向鬢雲邊

落葉松 松葉杉身生興安嶺北  
質極堅入水土久化爲石其葉霜後  
卽脫與他松異樹上寄生白脂厚五  
六寸

後彫無落葉落葉亦名松後此濤聲  
小前番蓋影濃冰霜困鱗鬣雷雨助  
丰茸畱得孤根在終應起伏龍

倒弔果 形如山梨而小花實皆下垂  
故名按草木諸譜皆不載倒弔之名惟  
上林賦云答遼支離張揖注云答遼果  
名答遼音近打拉北方以欹垂爲打拉  
是答遼名果或因其下垂也說文玉篇俱

作榕還果今俗名弔搭

花實離離重緣知植立難含苞么鳳挂弱榦異蛇蟠樹似垂頭睡人皆仰面看沉吟上林賦答還問園官

六道木 塞外樹名有紋六道細如綫而界畫甚

勻

先天誰界畫奇在木生初乙乙現分別庚庚辨密疏文原知有本柯更驗其餘六子疑分位競爻悟太虛

五極參 五極五葉視遼左所產稍遜按唐書檀

州營州俱土貢人參熱河在檀州之北蓋自昔已產之五代史奚附錄曰奚以別部西陟媯州依北山射獵常採北山人參所云北山者今豐寧縣西

境諸山也

雖異興京產延年藥亦靈氣原鍾地脈精本應天星椶櫚  
濃陰覆檀州舊種馨太平多老壽賴爾助遐齡

箬漠蘇魚也似鱸細鱗重脣諸溪澗中皆有之  
伊遜河所產尤多國語謂之箬漠蘇蒙古語謂之  
集伯格當卽吉林所謂赭鱸也

絕壑臨深澗川禽樂藻蒲垂竿同丙穴舉網異丁沽問訊  
思紅鯉稱名憶赭鱸惟應伊遜外佳產更豐腴

綽爾齊蒙古謂蟬也不入關中其出聲較內地  
稍遲而音特清壯按綽爾齊者胡笳也其聲似之  
故名

驛柳千行碧山花一路紅種原分塞外聲不入關中破曉  
嘶邊月迎涼語朔風哀笳十八拍清響可能同

夜亮木 山中枯木根入土千歲夜視有光留暗  
室中毫髮皆見以素囊貯水投之澌澌通明略無  
障礙雨中益明

變化真無定乘除悟物靈雨中光奪月暗處耀分星乍似  
珠生蚌真疑草化螢惟應九天上甲夜照繡經

明開樹 本名明開夜合結實纍纍色粉紅如秋  
海棠中含紅珠晨放暮斂木色白可飾器

夜合明開樹奇稱塞產良木原同白楮花定放青棠慣照  
團圓月疑生篤耨香憑誰將玉斧製作合歡牀

金蓮花 出山西五臺山花色金黃七瓣兩層一  
莖數朶若蓮而小塞外尤多元周伯琦上都扈從  
詩註所謂金蓮花似荷而黃者也

福地原稱佛瑤階有妙蓮移來布金地香到雨花天水殿  
延薰麗雲隄映日鮮何如玉堂客華燭照歸鞭

玉蜀黍 一名御麥亦作番麥又作玉米粒如芡  
實而瑩白土人以爲糜

御麥神皋徧青蔥接翠微秋風珠穗早春雨玉田肥碧芡  
同圓綻瓊糜或庶幾天心錫嘉種粒粒是明璣

白雀 白翎雀生於烏桓朔漠之地雌雄和鳴自  
得其樂元世祖命伶人碩德闡製曲以名之元楊



允孚灤京雜詩所謂白翎隨馬叫晴空是也

白翎明似雪  
翔翥薄層霄  
結偶聯鵝翼  
和鳴協鳳簫  
尋詩隨去馬  
製曲憶前朝  
丹陛陳仙樂  
還容和九韶

綠魚 柘綠魚色微綠產灤河中

鱗鬣揚柘綠  
佳產出灤河  
倒影疑么鳳  
潛淵誤黛螺  
行廚初貫柳  
春水正生波  
曾讀球陽志  
泉崎更若何

琉球國亦有綠魚

孝文韭 生塞北山谷狀如韭云是魏孝文帝所

種

野韭盈山澗  
沙陀產最繁  
典徵奴狗僕

用杜預事

名憶佛狸孫

夜雨高人韻  
秋風帝子尊  
庾郎三九味  
樽酒試同論

烏喇奈 塞外紅果也實似櫻桃而大一名歐李

子土人目爲酸丁

烏喇珍佳產名仍奈譜叨種原說歐李實亦似含桃不羨

靈巖湧何須玉井洵惟應同白粟地寶毓神皋

烏喇白粟米色純潔

味甘性膩其種得於烏喇樹孔中

九英菰 蔓菁幽州人謂之芥塞北種者名九英

蔓菁亦曰九英菰蒙古呼沙吉木爾

塞土尤宜芥田家隙地栽味分三種韭名借九英梅制毒  
參醫理行軍識將才聞呼沙吉木蠻語亦佳哉

萬壽菊 花正黃以八月中盛開關外處處有之

山莊產者莖高而瓣尤大

亦是陶家種堯階映日黃花開三徑月香入萬年觴華祝

延千叟嵩呼徧八方 先皇天壽節秋色滿仙莊

構櫨櫨 產建昌縣蠶初生以構櫨葉飼之故名

織成山紬養蠶之法與內地不同詳曾公亮武經

總要

越女同功繭吳娘八種蠶如何窮塞北亦似大江南花異

金梭織

以手捻絲織之

蛾宜玉手探無須羨桑柘衣被萬方單

樺楸器

以樺楸木爲之自几案至盤匱無不畢

具

樺木兼楸木良工制器精文章鍾地氣花樣出天成几案

羅杯罽弓刀利甲兵

樺皮可飾弓刀

閒探五都市觸目盡庚庚

金蓮花歌用蓉裳集中雪蓮花歌韻

仙莊萬樹青接天瓊蕤匝地開秋蓮一花一葉盡金色遠  
與菡萏爭清妍天家雨露妙鎔鑄穠豔不萎香不薦四照  
但覺映日麗千枝不肯迎風偏此花本出五臺頂清涼世  
界琉璃田閉魔巖下豔秋雪叩佛龕呼明朝煙山僧赤足  
拾澗底有如采玉來和闐 仁皇當日禮舍利闢車移種

香聯繚延薰繞館秋欲語臨芳拂豎嬌如仙

延薰館臨芳豎皆在山莊

內與金蓮映日相近似蓮非蓮得蓮意何必玉井誇如船阿耨池中

見寶相夙根共證燃燈燃華嚴迴首託根處雁門塞影青

九邊佛言布地或指此與蓮同蒂金同堅有時芬陀由宣

賜異香珍重頒陳騫天花之榮惜未見入口能否煩痾痊

天花菜亦出五臺

金蓮川水隔松漠懷古欲檢皇元編

元世祖開府金蓮川

見元史

蕭美人糕

應有濃香浣不消  
潔如冰雪膩瓊瑤  
南朝風味從頭領  
記取嬋娟舊姓蕭

劉郎空有題糕約  
底事當時不賦詩  
從此重陽添故事  
年年風雨說蛾眉

昔聞灼灼麗於花  
老去徐娘散暮霞  
惆悵我來春事晚  
更無人似餅師家

才名海內說隨園  
絕代文章跨宋元  
一卷江南新食譜  
祇應此事亦推袁

高堰雜詠

一綫走長虹，峻峻石骨雄。立原堅似壁，勢更曲如弓。太守

留遺趾。

高家堰即漢陳登愛敬鼎遺趾。

尙書荆鉅工，明潘季馴始贊以石。淮揚託民

命切莫作西風。

石隄。

鑿石誠多費，綢繆計暫完。經年鍛陶旅，終日禦狂瀾。高下

森城堞，橫斜疊井榦。曾無花影夢，落日過湖干。

甄工。

湖波一鏡鏡，眉土曲如眉。混沌書堪駭，連蜷態本奇。遠山

消半抹，新月上初規。小賦流傳徧，沉吟我所思。

眉土。

積土隄根起，圍成偃月形。洪波禦衝嘴，殘濼待涵渟。暈看

雙重影，弦畱一曲經。憶從隄上見，三五浸明星。

月躡。

建標湖水上，分刊驗河渠。消長居人識，盈虛府史書。土圭

分制度，銅箭悟乘除。聞道今年漲，綠竿欲上魚。

今年五月湖水長至。

一丈八尺三寸爲從  
來所未有誌椿

無用斯爲用何嫌積石重理因平得穩事以緩能容水面

頻迴浪隄根遠避衝生平湖海氣坦白此心胸

坦坡

一陂防潰決隄上復隄成爲有因依勢緣垂弱小名徑從

中道畫高與屋檐平有客方行役能增吧咭情

子堰

按郵編土室計里置茆檐窺牖甑爲欄當門草作簾雨風

勤擊柝晝夜互傳籤尙有安瀾字類垣墨色黔

堡房

誰將九州鐵鑄出伏文犀突兀雄雙角躩踞屈四蹄魚龍

驚氣象蛟鰐避端倪忽憶溫忠武孤亭夕照西

鐵犀

積土原名埧調言誤作牛稜稜成萬角戢戢聚千頭算本

因方計量還畫地收連雲共畚畝小物見前篇

土牛

積學三冬早調羹五味先因茲羣物備省識鉅工堅補助

商民困鉤稽簿籍填漏卮防蟻穴多少水衡錢

料殿

綽楔麗晴霄寒鴉響次寥龍蛇蟠寶笈風雨奏靈簫丁甲

春秋護庚辰早晚朝安瀾期永慶牂蠻答

神堯神祠

黯黯秋猶綠沿隄驛樹森晚煙生水面朝影落湖心槌竹

材堪濟舉菱用可尋祇期河漲復畱與路人陰

驛樹

終歲泛清淮湖波自汴泗帆檣隨浪起樓櫓逐風閒但有

牽魚具頻煩載石來迴思江水上招月酌深杯

湖船

昔日天然壩於今勢漸高因時計宣洩所恃東波濤石牖

工稱險災防礎亦牢淮揚下遊近籌策莫辭勞

五壩

二河河上路高岸亦峻嶒義仿遙隄固形同外郭增魚鱗



難盡建雁窗或宜乘空抱綢繆計關心感杜陵

二堆

洪澤湖詠鵲魚

豈有雕陵鵲而爲錦水魚填橋秋漢上舉網夜燈餘玉體  
調方美銀盤薦不虛季鷹秋思動歸計定何如

詠伊墨卿太守舟中盆梅

花影落淮流花枝出柁樓隱蘂繁雪墮迴檻暗香流畫燭  
催銅鑊珠簾下玉鉤春風憶東閣何遜領揚州

吳淞楊節鎮餉香榧

榧一名番蒜產臺灣有肉榧香榧土榧諸種形似  
橘而橢圓亦如小瓜色如梅以蜂糖餞之味甘而  
膩吳澹川臺灣詩洋桃番蒜隴齒牙則其本味或

醉也

彥自臺澎島來乘舶趙濤異名識番蒜佳種儷洋桃爾雅  
名誰證將軍賜屢叨灤陽賦楹棹迴首舊遊臺